

Josua

Isrel ämawebetä kome iwoyäñ yämani u koreñkuñ

24

Josua 24:1-2, 14-24

Ämawebe Yawe iwatta yäñkehärom tañkuñ

¹ Eruk Josuatä Isrel ämawebe yäñpäbä Sekem komeken kubäkengän yepmañkuk. Täñkañ äma ekäni ekäni ba intäjukun äma ba man yäpmäñ daniwani äma imaka, yäñpäbä yepmañpänkañ Anutu injamiken itkuñ.

² * Ude irirä Josuatä ñode yäwetkuk; Yawe, Isrel täño Anututä ñode yäyak; Bianinik Abrahamkät Naho täño nani wäpi Tera ukät orajiye ätu Yufretis ume ani kukñi udude itkañ anutu jopi-jopi yäniñ oret täñkuñonik.

...
¹⁴ * Täñpäkañ Josuatä man u yäñ paotpäñ ñode yäwetgän täñkuk; Eruk, Yawetagän umuntañpäñ iniken kädet iwattagän bänepjin nadäk-nadäkjin kubägän pewut. Täñkañ anutu jopi-jopi äbekjiye orajiyetä Yufretis ume ani kukñi udude itkañ yäniñ oret täñkuño ba Isip komeken itkañ gwäjin äpmon yämik täñkuño u ureñ täñpä kwäpäñ Yawe täño gämorikengän it täkot.

* **24:2:** Stt 11:27 * **24:14:** Stt 17:1; Kis 20:3-4; Sam 111:10; Apos 9:31; Efe 6:24; Plp 1:10

15 Täj Yawe täño gämorikengän kuñatta gäripäi nämo nadänpäñä ket nadäwut; Apiño netä gämoriken api itne yäj siwoñi yäwut. Äbekjiye orajiyetä ume udude käda itkañ anutu jopi yäniñ oret täñkuño u ba Amo ämawebe, komeni koreñpäñ itkañken ñonitäño anutu jopi u gämoriken api itneñ? Upäñkañ näñata ñode yäyat; Näñña ba webena nanaknaye ninäwä Yawe gämorikengän itkañ watä piä unitagän api täñ imine.

16 Josuatä ude yäweränä ämawebe päke unitä yäñkuñ; Nämo! Ninä Yawe mäde ut imiñpäñ anutu jopi-jopi gämoriken nämoinik api itne.

17 Yawe Anutunin ini uwä nin ba äbekniye oraniye Isip kome komi epänken nanik nimagutpäñ kudän kudupi pähap täñjirän dapunintä kañkumäj. Täñkañ äma ätutä komeken kadäni käroni kuñatkumänken u Yawetä watä säkgämän it nimiñkuk.

18 Ude täñkañ Yawetä Amo nanik ba kome ätu täño kome mähem yäwat kireñpäñ komeni nimiñkuk. Unita nin imaka, Yawe gämoriken itkañ unita watä piä api täñ imine, u nintäño Anutu unita.

19 * Ude yäñirä Josuatä yäwetkuk; Inä Yawe gämoriken jop täga nämo api itneñ. Anutu uwä siwoñi kudupiinik. U ämawebenyetä anutu ätu nadäj yämikta bitnäkinik täk täyak. Ude tänayäj täño uwä peñawäkjin täño momi täga nämo api peñ tamek yäk.

20 Nadäkañ? Täga täñ tamik täyak upäñkañ Yawe mäde ut imiñkañ kome ätu täño anutu jopi

* 24:19: Mat 6:24; Luk 14:25-33

yawatnayän täño uwä Yawe uwä äyänutpäñ in täñpäñ wawäpäñ api tadäpmänj morewek yäk.

²¹ Ude yäweränä ämawebetä Josua ñode iwetkuñ; Nämoinik! Ninä Yawe gämorikengän itkañ unita watä piä api täñ imine.

²² Ude yäwäwä Josuatä yäwetkuk; Injin-tägän yänahänpäñ Yawe gämoriken itta yänkehäromtak man yäkañ. Ude yäweränä yänkuñ; Ei, ninin yäkamänj ude!

²³ * Täñpäkañ Josuatä äneñi ñode yäwetgän täñkuk; Ude yäkañ unita äma ätu täño anutu jopi in bämopjinken itkañ u ureñ täñpä kwäpäñ bänepjin Isrel täño Anutu Yawe unitagän iniñ kirewut.

²⁴ Ude yäweränä ämawebe päke unitä Josua iwetkuñ; Nin Yawe Anutunin unitäño gämorikengän itkañ mani api buramine yäk.

* **24:23:** 1Ko 10:20-21; Hib 12:28-29

Anutu Täño Man
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 18 Apr 2025 from source files dated 31 Aug 2023

914cbf46-f59a-54d1-b209-0f763534edb5